

Deiosta·ls breus iorns e·ls loncs sers

BEdT 323,015

Mss.: A 10, B 35, C 178, D 2, E 45, I 11, K 1, N2 19, R 6, T 153, V 78 = Peire d'Alvernhe; X 86 = anonimo.

Metrica: a8 b8 a8 b8 c10 d10 c10 (Frank 405:1). *Chanso (vers)* di 7 *coblas unissonans* di 7 versi, seguite da 2 *tornadas* di 3.

Melodia: A B A' B' C D E (= ms. R); A B A B C D E (= ms. X).

Edizione: Fratta 1996, p. 84.

- letto 1431 volte

Edizioni

- letto 961 volte

Fratta

I.

Deiosta·ls breus iorns e·ls loncs sers,
qan la blanc?aura brunezis,
vuoil que branc e bruoil mos sabers
d?un nou ioi qe·m fruich? e·m floris;
car del doutz fuoill vei clarzir los garris,
per qe retrai entre·ls enois e·ls freis
lo rossignols e·l tortz e·l gais e·l pics.

II.

Contr?aisso m?agrada·l parers
d?amor loindan? e devezis
car pauc val levars ni iazers
a lui ses lieis cui es aclis;
c?amors vol gaug e guerpis los enics,
e qui s?esgau a l?ora q?es destreis,
be·m par q?a dreit li vol esser amics.

III.

Q?ieu vei e crei e sai q?es vers
c?amors engraiiss? e magrezis
l?un ab trichar, l?autr? ab plazers
e l?un ab plor e l?autr? ab ris;
lo cals qe·s vol n?es manens o mendics,
per qu?ieu n?am mais so qu?en ai q?esser reis
assatz non ? re d?Escotz ni de Galics.

IV.

Ges ieu non sai los capteners
mas soffre, c?una m?a conquis
don reviu iois e nais valers,
tals que denan li·m trassaillis;
car no m?enqier de dir, m?en ven destrics,
tan tem qe·l mieils lais e prenda·l sordeis;
on plus n?ai cor, mi pens: car non t?en gics?

V.

A! car si fos dels mieus volers
lo sieus rics coratges devis,
desque ma dompna·m tol poders
de so de q?ieu plus l?ai requis!
Mas no·ll sai dir lausengas ni prezics,
mas meillor cor l?ai trop que non pareis;
s?ella no·l sap, morrai m?en totz antics.

VI.

Tant m?es doutz e fis sos vezers
pel loi qe·m n?es al cor assis
e sobre tot lo bons espers
q?ieu n?ai, per que m?en enriquis;
c?anc tant non fui mais coartz ni mendics,
ab q?ieu la vis alques, aqui mezeis
no·m saubes far de gran paubretat rics.

VII.

So es gaugz e iois e plazers
que a moutas gens abellis
e sos pretz mont? a grans poders
e sos iois sobreseignoris,
q?enseignamens e beutatz l?es abrics:
dompneis d?amor, q?en lieis s?espan e creis,
plens de dousor, vertz e blancs, cum es nics;

VIII.

per q?ieu mi pens: ia non t?en desrazics,
quan mi conquis en loc on ilh me seis
plus que se·m des Franssa lo reis Loics.

IX.

En aquest vers sapcha vilans, Audrics,

que d'Alvergne manda c?om ses dompneis
no val ren plus que bels malvatz espics.

- letto 773 volte

Tradizione Manoscritta

- letto 703 volte

Canzoniere A

- letto 572 volte

Riproduzione Fotografica

Vai al manoscritto [1]

